

Abnäh

Abnäh

Text und Musik
Jacob Stückelberger

Tango

Es rass - let dr Weck - er da ligt er im
Bett und bsinnt sech a gesch - ter won är gschwore - re
het: ab hüt wird alls an - ders jitz mach i nümme
schlapp ab hüt halt i dü - ren ab hüt nim i ab

1. Es rasslet dr Wecker da ligt er im Bett und bsinnt sech a geschter won är gschwore het: ab hüt wird alls anders jitz mach i nümme schlapp ab hüt halt i düren ab hüt nim i ab
2. Als erschts nach em Ufstah da steit er uf d'Waag und fragt sini Frou: säg was gits hüt zmittag är würdi da vorschlag chli Spinet und Fleisch das isch kalorienarm wi du ja weisch
3. De nimmt er zum Zmorge zwo Bitze Zwiback und steckt sech für d'Züni en Öpfel y Sack ke Anken und Comfi ke Zucker i Tee und brummt vor sech häre: es brucht gar nid meh
4. Zum Zmittag wi gseit gits chli Spinet und Fleisch zum Trinken es Henniez ke Wy du versteisch statt Dessär es Café samt zwo Assugrin me gseht s'isch em Ärscht mit em Abnäh mit Schyn
5. De nimmt er sech zämen und s'glingt em hurra das Zvieri wos gäbti das längt er nid a hingäge wos langsam gäg ds Nachtässe geit da tuet er eim gopfridstutz urichtig leid
6. Da sitzt er am Tisch hou dr Hunger isch gross und scho isch's passiert und scho schleglet er los Spaghetti und Cotlett und 'Sugo wo dampft isch plötzlech verschwunden - er het alles gmampft
7. Er richtet dr Wecker de geit er i ds Bett und het vor em Yschlafen ärscht mit sech gredt indäm er sech schwört: künftig machi nümme schlapp ab morn halti düren ab morn nimi ab